



ДУНДГОВЬ АЙМАГ
САЙНЦАГААН СУМЫН ЗАСАГ ДАРГЫН
ЗАХИРАМЖ

2020 оны 01 сарын 29 өдөр

Дугаар 4/19

Мандалговь

Иргэдийн эрүүл мэндийг хамгаалах талаар авч
хэрэгжүүлэх зарим арга хэмжээний тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.5 “а”, “в”, 29.1.6 “л”, Засгийн газрын 2020 оны 30 дугаар тогтоол, аймгийн засаг даргын 01 тоот албан даалгаврыг тус тус үндэслэн ЗАХИРАМЖЛАХ нь:

1.Томуу, томуу төст өвчний өвчлөл, тархалт болон шинэ коронавирусын халдвараас урьдчилан сэргийлэх зорилгоор 2020 оны 01 дүгээр сарын 29-өөс 2020 оны 03 дугаар сарын 02-ны өдөр хүртэлх хугацаанд сумын нутаг дэвсгэрт дараах арга хэмжээ авч хэрэгжүүлэхийг холбогдох байгууллага, албан тушаалтнуудад тус тус үүрэг болгосугай.

а.Иргэн хуулийн этгээдээс зохион байгуулах олон нийтийг хамарсан арга хэмжээ, жагсаал цуглааныг бүртгэх үйл ажиллагааг түр хугацаагаар зогсоох, энэ талаар аж ахуй нэгж, байгууллагад мэдэгдэх, сурталчлах ажил зохион байгуулах

б.Ерөнхий боловсролын сургууль, цэцэрлэг, бүх шатны сургалтын төвүүдийн үйл ажиллагааг түр хаасан шийдвэрийн хэрэгжилтэнд тогтмол хяналт тавих, харгалзах хүнгүй гэртээ үлдсэн хүүхдүүдийг болзошгүй эрсдлээс урьдчилан сэргийлэх, сургалтын хөтөлбөрийн дагуу цахим сургалтыг зохион байгуулах арга хэмжээ авч хэрэгжүүлэхийг Нийгмийн бодлогын мэргэжилтэн, байгууллагын удирдлагууд, багийн засаг дарга нарт

в.Олон нийтийг хамарсан хурал цуглаан, сургалт, спортын тэмцээн уралдаан, аялал зугаалга, урлаг соёл, жолооны курс, төлбөрт тоглоомын газар, мөсөн коток, фитнес, спенинг, спорт зал, караоке, шөнийн клубүүдийн үйл

ажиллагааг түр зогсоох, сургууль, цэцэрлэгийн насны хүүхдүүдийг албан байгууллага, олон нийтийн үзвэр үйлчилгээний газраар дагуулж явах, үйлчлүүлэх, үйлчлэхийг хориглох, энэ талаар иргэн, хуулийн этгээдэд мэдээлэх, сурталчлах, хяналт тавьж ажиллахыг Нийгмийн бодлогын мэргэжилтэн, Худалдаа үйлчилгээний мэргэжилтэн, Байгууллагын удирдлагууд, Багийн засаг дарга нар, Цагдаагийн байцаагч, төлөөлөгч нарт

г.Томуу томуу төст өвчний өвчлөл тархалт болон Шинэ коронавирусын халдвараас урьдчилан сэргийлэх, эрсдэлийг бууруулах ажлыг тогтмол зохион байгуулах, эмнэлгийн тусламж үйлчилгээний чанар, хүртээмжийг нэмэгдүүлж, яаралтай тусламжийн болон байнгын бэлэн байдлыг хангаж ажиллахыг сумын ЭМТөв, Өрхийн ЭМТөвийн дарга нарт

д.Байгууллага бүр эрүүл мэндийн зөвлөгөө, халдвараас урьдчилан сэргийлэх сэрэмжлүүлэг, зөвлөмж өгөх ажлыг тогтмол зохион байгуулах, албан хаагчид, үйлчлүүлэгчдийг гараа халдваргүйжүүлэх нөхцөлөөр хангах, амны хаалтын хэрэглээг хэвшүүлэх, хэрэгжилтэнд хяналт тавьж ажиллахыг сумын нутаг дэвсгэрт үйл ажиллагаа явуулж байгаа төрийн болон төрийн бус байгууллагын удирдлагуудад

е.Томуу томуу төст өвчний өвчлөл, тархалт, Шинэ коронавирусын халдвараас урьдчилан сэргийлэх, эмнэлгийн тусламж үйлчилгээний талаарх бодит мэдээллийг Засаг даргад тогтмол хүргэхийг Сумын ЭМТөвийн дарга (Б.Нанжид)-д

2.Дээрх арга хэмжээнд шаардагдах зардлыг Засаг даргын нөөц хөрөнгөнөөс тухай бүр шийдвэрийн дагуу зарцуулахыг сумын Засаг даргын тамгын газрын дарга (Б.Оюунчимэг)-т зөвшөөрсүгэй.

3.Захирамжийн хэрэгжилтэнд хяналт тавьж нэгдсэн удирдлага, мэдээллээр хангаж ажиллахыг Засаг даргын орлогч (О.Баярсайхан)-д даалгасугай.

ЗАСАГ ДАРГА



Р.МӨНХТОГТОХ